

欽定大清會典事例

欽定大清會典事例卷二百九十一

禮部

垂簾聽政

聽政事宜

聽政事宜○咸豐十一年九月議定。

郊

壇大祀遣王恭代。

皇帝於宮內齋戒。俟數年後。奏請

親詣行禮。

太廟祭饗遣王恭代。

皇帝於宮內齋戒。祭期前一日。

親詣行禮。俟數年後奏請於祭日
親詣行禮。

謁

陵

御門。

經筵。

耕藉。均暫緩舉行。一遇元旦

萬壽。傳臚等大典禮。

皇帝升殿。均照常舉行。

召見內外臣工。

兩宮

皇太后

皇帝同御

養心殿。

皇太后前垂簾於議政王

御前大臣內輪派一人將

召見人員帶領進

見。一京外官員引

見。

兩宮

皇太后

皇帝同御

養心殿明殿議政王

御前大臣帶領

御前

乾清門侍衛等照例排班站立。

皇太后前垂簾設案。進各員名單一分。並將應擬
諭旨分別註明。

皇帝前設案。帶領之堂官照例進綠頭籤議政王
御前大臣捧進案上引。

見如常儀。其如何

簡用。

皇太后於名單內

欽定。鈐用御印。交議政王。軍機大臣。傳

旨發下。該部堂官照例述

旨。一宗室親郡王以下。奉恩將軍以上。襲爵襲職。年終
大考王公子弟。應封授職。在京四品以上。五六
品京堂。翰詹科道。道府以上。武職在京。年終進
譜五等世爵。在外副將以上。及新進士授職。庶
吉士散館。拔貢

朝考。孝廉方正。教習期滿。京察人員。截取道府。各部院保送京堂。保送監督稅差。廩生授職。遵

旨保舉勞績保舉卓異送部。各項查辦差滿回京。親老回京。邊缺俸滿。終養服滿病痊。開復捐復等應
行引

見各員。並奉

特旨交部帶領引

見人員。以及凡應請

旨分別錄用文武人員。均照常帶領引

見其

陵寢

盛京吉林黑龍江各項缺出。及在京各衙門候選人員。文武會試提調。新疆等處辦事司員。糧餉章京等差。在京各衙門保送直隸州以下人員。俸滿截取。應分別內用外用。各揀發人員。各省理事同知通判。均由各該衙門進單。恭候

簡用。凡有考試。應行引

見記名。如御史。內閣中書。國子監學正。學錄。軍機章京。考列一等幼官等項人員。均於考試後由考官開單進呈。將應行記名人員。

鈐印發下。交議政王軍機大臣繕

旨。考試試差人員。暫停引

見各部院衙門五品以下擬定正陪人員。京外文職五
品以下。武職三品以下。照例補缺人員。月選分
發揀補。期滿奏留。送部押運。舉人大批。截取調
簡。改簡。改教。長史。護衛等項人員。以及凡照例
送部引

見文武人員。均

欽派王大臣驗放。除封印期內不計外。每月六次。以逢
五逢十為率。遇月杪改至下月初一日。先期由

各衙門將應行驗放人員咨報內閣。屆期內閣將應派驗放王大臣開單奏請。

欽派四人。即日赴內閣公同驗看。奏

聞。

除授大員。

簡放各項差使。將應補應放各員開單由議政王軍機

大臣於

召見時

欽定。將除授簡放之員。

鈐印發下繕

旨。順天鄉會試。以及凡在貢院考試。向係

欽命詩文各題。均援照外省鄉試之例。由考官出題。其朝考以及各項

殿廷考試題目。均令各衙門科甲出身大臣。屆日聽宣恭候

欽派擬題進呈。均交派出監試王大臣齋至考試處所宣示。

殿試策題。仍照舊章由讀卷大臣恭擬。

殿試武舉。

欽派王大臣閱視。照文貢士

殿試例擬定名次帶領引

見一慶賀表章均照定例辦理其請

安摺令內外臣工敬繕三分敬於

母后皇太后

聖母皇太后

皇帝前恭進一

皇帝入學讀書援漢桓榮授業之例於

御座書案之右為師傅旁設一座以便授讀○十月

諭前因賈楨周祖培沈兆霖趙光奏請操政權以振綱

紀又據勝保奏請

皇太后親理大政。並另簡近支親王輔政各摺。及御史董元淳前奏一摺。當交王大臣大學士六部九卿翰詹科道妥議具奏。本日據王大臣等將交議各件。集議以聞。並單開各事宜。恭呈

慈覽。欽奉

兩宮

皇太后懿旨。據王大臣等所議。詳加披閱。援據典章。斟酌妥善。著即依議行。垂簾之舉。本非意所樂為。惟以時勢多艱。該王大臣等不能無所稟承。是以姑允所請。以期措施克當。共濟艱難。一俟皇帝典學有成。即

行歸政。王大臣仍當屆時具奏。悉復舊制。欽此。朕祇承

懿訓。

謙抑慈愛之懷。實深寅感。敬思朕以冲人。誕膺

景命。痛惟

皇考大行皇帝遺大投艱。兢兢在疚。幸賴

兩宮

皇太后保護朕躬。參酌成規。折衷時勢。暫理庶政。以待朕之躬親。爾中外文武臣工。務各忠赤為懷。以襄邇治。俾予典學。日就月將。迨朕親政之年。孝養

兩宮

皇太后與天下臣民共觀厥成。我

皇考在天之靈。實式憑焉。將此宣諭中外知之。○又
諭朕奉

母后皇太后

聖母皇太后懿旨。各直省將軍督撫等摺奏。向於呈遞
之次日。硃批發還。其有應降諭旨者。亦即令軍機大
臣繕擬。於進呈後。即行交發。其各路軍營緊要奏報。
則無論何時呈遞。均係即行辦理。現在一切政務。仰
蒙

兩宮

皇太后躬親裁制。

慈懷沖挹。深恐於

披覽章奏。未能周詳。嗣後各直省及各路軍營摺報。應行降旨各件。於呈遞

兩宮

皇太后慈覽。發交議政王軍機大臣。後該王大臣等悉心詳議。於當日

召見時。恭請

諭旨。再行繕擬。於次日恭呈

母后皇太后

聖母皇太后閱定頒發。應行批答各件。該王大臣查照舊章。敬謹繕擬呈遞後。一併於次日

發下。其緊要軍務事件。仍於遞到時立即辦理。以昭慎重。○又

諭朕奉

母后皇太后

聖母皇太后懿旨。現在一切政務。均蒙

兩宮

皇太后躬親裁決。諭令議政王軍機大臣遵行。惟繕擬

諭旨。仍應作為朕意。宣示中外。自宜欽遵。

慈訓。嗣後議政。王軍機大臣繕擬諭旨。著仍書朕字。將此通諭中外知之。○又

諭朕奉

母后皇太后

聖母皇太后懿旨。

列祖

列宗。豐功偉烈。振古鏗今。載在

實錄

聖訓。炳若日星。向由內閣每日恭進。奉為

成憲。朕以冲齡踐阼。尤應朝夕循誦。以為法守。著仍照舊章。分日恭進。用資講習。至現在內外庶政。均賴

兩宮

皇太后躬親裁定。並承

慈命。將歷代帝王政治。及先史垂簾事蹟。著南書房上書房翰林等。擇其可為法戒者。據史直書。簡明註釋。彙為一冊。恭呈

慈覽。○十一月初一日。

穆宗毅皇帝奉

母后皇太后

聖母皇太后御

養心殿垂簾聽政。王以下大學士六部九卿於
養心門外行禮。○同治十三年十二月丙子。
上嗣皇帝位。

諭。本日據王公大學士六部九卿等奏請額懇

兩宮

皇太后垂簾聽政一摺。朕恭呈

慈覽。欽奉

慈安端裕康慶皇太后

慈禧端佑康頤皇太后懿旨。覽王大臣等所奏。更覺悲

痛莫釋。垂簾之舉。本屬一時權宜。惟念嗣皇帝此時尚在沖齡。且時事多艱。王大臣等不能無所稟承。不得已姑如所請。一俟嗣皇帝典學有成。即行歸政。欽此。祇承。

懿訓。實感實深。因思朕以薄德。親躬入承大統。仰荷大行皇帝付託之重。幸賴

兩宮

皇太后保護。朕躬親裁大政。爾王大臣暨中外大小臣工。惟當各矢公忠。共襄邅治。以上慰

大行皇帝在天之靈。下孚溥海臣民之望。朕實有厚幸。

馬。所有。

垂簾一切事宜。著該王大臣等妥議具奏。欽此。遵旨議定。

郊

壇大祀。遣王恭代。

皇帝於宮內齋戒。俟數年後。奏請

親詣行禮。

太廟祭饗。遣王恭代。

皇帝於宮內齋戒。俟二三年後。奏請於致祭前一日。親詣行禮。其致祭之日。

親詣行禮之處。擬俟數年後請

旨遵行。

謁

陵

御門。

經筵

耕藉均暫緩舉行。嗣後恭遇

兩宮

皇太后萬壽

皇帝萬壽元旦傳臚等大典禮其應行

升殿受賀行禮之處。統由禮部先期一月具題請旨。

召見內外臣工。

兩宮

皇太后

皇帝同御

養心殿。

皇太后前垂簾。

欽派王大臣一人將

召見人員帶領進

見。一京外官員引

見。

兩宮

皇太后

皇帝同御

養心殿明殿。

御前大臣帶領

御前

乾清門侍衛等照例排班站立。

皇太后前垂簾設案。進各員名單一分。並將應擬

諭旨。分別註明。

皇帝前設案。帶領之堂官照例進綠頭籤。

欽派王大臣一人恭進案上。引

見如常儀。其如何

簡用。

皇太后於名單內

欽定。

硃筆圈出交軍機大臣傳

旨發下。該堂官照例述

旨。一宗室親郡王以下。奉恩將軍以上。襲爵襲職。年

終大考王公子弟應封授職。文職在京四品以上。五六品京堂。翰詹科道武職在京。年終進譜五等世爵。考試繙譯翰詹蒙古司業。考試漢御史。保送滿洲御史。軍機章京。新進士授職。庶吉士散館。拔貢。

朝考。孝廉方正。京察記名。各部院保送京堂。保送揀補道員。在外明保道府州縣等官。以及凡應請

旨分別錄用人員。均帶領引

見。考試試差人員。暫停引

見在京各衙門五品以下。擬定正陪。並擬補人員。京察調部。俸滿調部人員。月選揀補。勞績捐納。分發期滿。俸滿。奏留解餉。押運送部。舉人大挑一等。

盛京

陵寢各官京察一等。外官道府運同以下。照例題升題補。實授勞績保舉候補卓異送部。差滿回京。改簡調簡降革赴部。病痊開復捐復。以及凡照例送部引。

見。並兵部理藩院應行引。

見人員均

欽派王大臣驗放。再驗放。除封印期內不計外。每月驗放六次。以逢五逢十為率。如遇月杪改至下月初一日。先期由各衙門將應行驗放人員咨報內閣。屆期內閣將應派驗放王大臣開單奏請、

欽派四人。即日赴內閣公同驗看奏

聞。截取道府教習期滿。教職俸滿。舉人截取廕生授職。親老回京邊缺俸滿。揀發揀補道府同通州縣保送監督稅差庫差各項查辦。親老告近。終

養服滿。升補升署未及赴部。服滿。病痊。推升。逾限。開缺。甄別。改教。擊獲盜犯等項。應行引

見。並奉

旨。開缺。交部帶領各員。均

欽派王大臣驗看。於次日具奏。恭請

硃筆圈出。由軍機處交各該衙門遵行。其應行請

旨人員。由軍機大臣請

旨辦理。

盛京吉林黑龍江各項缺出。在京各衙門保送揀選人員。會試提調。新疆等處辦事司員。糧餉章

京等差。在京各衙門保送直隸州以下人員。俸滿截取。分別內用外用各員。揀發佐雜。各省理事同知通判。均毋庸引。

見驗放。即由該衙門開單。奏請。

硃筆圈出。由軍機處交各該衙門遵行。凡由考試應行

引

見內閣中書國子監滿助教漢學正學錄等項人員。均毋庸引。

見驗放。即於考試後由考官開單進呈。將應行記名人員。

硃筆圈出。由軍機處交該衙門遵行。

除授大員。

簡放各項差使。所有應補應升應放各員。開單由軍

機大臣於

召見時呈遞恭候

欽定。將除授簡放之員。

硃筆圈出繕

旨。一順天鄉試會試。以及凡在貢院考試。向係

欽命詩文各題。均由該承辦衙門領書。送至貢院。由

考官出題。其

朝考以及各項

殿廷考試題目。均令各衙門科甲出身大臣。屆日聽宣。恭候。

欽派擬題進呈。封交派出監試王大臣齎至考試處所宣示。

殿試策題。仍照舊章。由讀卷大臣恭擬。

殿試武舉。

欽派王大臣閱視。照文貢士

殿試例。擬定名次。帶領引

見。一慶賀表章。均照定例辦理。其請

安摺。令內外臣工謹繕三分。於

兩宮

皇太后

皇帝前恭進。

皇帝入學讀書。俟欽奉

諭旨遵行。○光緒元年。欽奉

慈安端裕康慶皇太后

慈禧端佑康頤皇太后懿旨。皇帝沖齡踐阼。亟宜乘時

興學。日就月將。以裕養正之功。而端出治之本。著欽

天監。於明年四月內。選擇吉期。皇帝在毓慶宮入學。

讀書。著派署侍郎內閣學士翁同龢侍郎夏同善授
皇帝讀。其各朝夕納誨。盡心講貫。用收啟沃之效。皇
帝讀書課程。及毓慶宮一切事宜。著醇親王妥為照
料。至國語清文。係我朝根本。皇帝應行肄習。蒙古語
言文字及騎射等事。亦應兼肄。著派御前大臣。隨時
教習。並著醇親王一體照料。

欽定大清會典事例卷二百九十二

禮部

登極

登極禮節

登極典禮

登極禮節○

皇帝登極之儀。既諏吉。先一日遣官各一員。祇告

天

地

太廟

社稷

遣官並太常寺執事各官均朝服

是日早。步軍統領勒所部屯

禁城諸門。內閣會同禮部鴻臚寺官設

寶案於

太和殿

御座之南正中。設表案一於

殿內東楹之南。設

詔案一於東楹之北。又設筆硯案一於

殿內西楹。左右嚮。又設黃案一於丹陛上正中。鑿

儀衛率官校入。豫備

鑿輿。陳鹵簿儀仗於

太和殿前。陳步輦於

太和門外。陳

大駕於

午門外。陳馴象於

大駕之南。陳仗馬於丹墀中道左右。陳黃蓋雲盤於丹墀內。樂部陳中和音樂於

太和殿東西檐下。陳丹陛大樂於

太和門內。設而不作。又陳導迎樂及龍亭香亭於午門外。儀制司官豫奉表入。設於

殿東楹南表案上。內閣學士一員奉

詔書入。設於東楹北

詔案上。內閣中書奉筆硯入。設於西案上。大學士率

內閣學士詣

乾清門請

皇帝之寶。學士恭奉。大學士從由

乾清門至

太和殿內。恭設於

御座南正中案上。退。記注侍班執事各官班位。如三

大節儀。王公文武百官咸朝服。按翼齊集。禮部

堂官奏請

皇帝編素服由東側殿門出。入中殿左門。於

几筵前祇告受

命。行三跪九拜禮。禮畢。

皇帝由東門出。進側殿。禮部堂官轉傳宮殿監督領侍等奏請。

皇帝更禮服詣

皇太后宮行禮。

皇太后更吉服升座。

皇帝行三跪九拜禮畢。宮殿監督領侍等豫將

乾清宮中門垂簾。內鑾儀衛豫設

皇帝所乘金輿於

乾清門正中。禮部堂官率欽天監候時官詣

乾清門告時

皇帝由

乾清門

升輿

謹案雍正十三年九月欽奉諭旨著安輿於左禮部堂官恭導內

大臣十員前引二員後扈豹尾班執槍侍衛十員佩刀侍衛十員翊衛隨行至

保和殿降輿禮部堂官奏請

御中和殿升座鴻臚寺官引內大臣侍衛內閣翰林院詹事府禮部都察院侍班導從執事各官按班行三跪九叩禮不贊畢侍班官先趨出至外

朝就位禮部堂官一員進至檐下跪奏請即

皇帝位

駕興導引翊衛如初

皇帝御太和殿升寶座南面即

皇帝位

午門鳴鐘鼓不作樂鑾儀衛官贊鳴鞭丹墀內三
鳴鞭鴻臚寺卿引王公於丹陛上鳴贊引文武
百官於丹墀內就拜位贊進皆進贊跪王以下
各官俱跪贊叩興王以下各官行三跪九叩禮
興鴻臚寺官引退復原位立大學士進

殿左門就東案奉

詔陳於中案少退西面立內閣學士進就中案北面
用

寶訖退禮部堂官進至檐下大學士奉

詔由闈東出

太和殿中門授禮部堂官禮部堂官跪受興奉至
丹陛正中黃案上恭設行一跪三叩禮興復奉
由中階下至丹墀陳於雲盤內儀制司官一員
跪受興由中道出至

天安門宣

詔。頌。詳。頌。門。丹墀下鳴鞭。

皇帝起座。至殿後階升輿。由後左門至。

乾清門外降輿。由左門入。還東側殿。易服還苦次。
大學士率學士恭奉。

皇帝之寶。送至。

乾清門交儲。

大內。

登極典禮。○天命元年正月壬申朔。

太祖高皇帝即

皇帝位。建元天命。貝勒

視。今。國。初。月。勤。王。羣臣上

尊號曰

覆育列國英明皇帝。八大臣出班跪進賀表。侍臣接表

宣讀。

太祖高皇帝率貝勒羣臣告

天。行三跪九拜禮畢。

御寶座。貝勒大臣各率本旗官員行慶賀禮。○天命十

一年九月庚午。

太宗文皇帝嗣

皇帝位。是日

大駕鹵簿全設。

太宗文皇帝奉貝勒羣臣告

天。行三跪九拜禮畢。

御寶座。貝勒羣臣慶賀。行三跪九叩禮。是日頒

詔大赦。以明年為天聰元年。○天聰十年四月乙酉。建

國號曰大清。改元崇德。和碩貝勒羣臣上

徽號曰

寬溫仁聖皇帝。前期築壇於

天壇之東。設

寶座於壇上。設

大駕鹵簿於壇前。屆期

太宗文皇帝率貝勒以下文武百官出德勝門詣

天壇祇告

天

地禮成文武各官奉

御寶先至

天壇之東導引官二人恭導

太宗文皇帝由中階升壇

御寶座貝勒大臣等行三跪九叩禮畢皆跪和碩貝勒

等奉

御寶跪獻

太宗文皇帝受寶。授內院官。羣臣復行三跪九叩禮畢。皆跪宣讀官奉滿洲蒙古漢字三體表文。立於壇東。以次宣讀。羣臣復行三跪九叩禮畢。復位。乃列儀仗。奏還宮。次日行慶賀禮。

太宗文皇帝御殿樂作。貝勒大臣率滿洲各官行三跪九叩禮畢。奉表跪進。侍臣接至。

御前跪宣。羣臣復行三跪九叩禮畢。退。次外藩貝勒大臣進表行禮。次漢官進表行禮。均如前儀。次執事各官行三跪九叩禮畢。

賜貝勒羣臣等燕。是日頒

詔大赦。○崇德八年八月丁亥。

世祖章皇帝嗣

皇帝位。前期遣官祇告

郊壇

宗廟。是日王公百官朝服。齊集

篤恭殿前

世祖章皇帝乘輿由左翊門出。羣臣跪迎。

世祖章皇帝御寶座。王以下文武百官行三跪九叩禮。

次外藩王以下官屬行三跪九叩禮畢。眾復跪。

乃頌

恩詔大學士詣案前奉

詔書至丹陛上立宣畢復行三跪九叩禮復位

世祖章皇帝乘輿還宮王公百官跪送是日不設鹵簿
不作樂不設燕

詔曰我

太祖武皇帝受

天明命肇造丕基懋建鴻功貽厥孫子

皇考大行皇帝嗣登大寶盛德深仁宏謨遠略克協

天心不服者武功以戡定已歸者文德以懷柔拓土興
基國以滋大在位十有七年於崇德八年八月初九

日
上賓。諸伯叔兄及文武羣臣咸以國家不可無主。神器不可久虛。謂朕為

皇考之子。應繼大統。乃於八月二十六日。即皇帝位。以明年為順治元年。朕年幼沖。尚賴諸伯叔兄大臣共襄治理。所有應行赦款。開列於後。布告中外。咸使聞知。○順治元年十月乙卯朔。

世祖章皇帝定鼎燕京。祇告

天

地。受朝賀前期。太常寺官埽除壇壝。司設監設

寶座於

郊壇之東南嚮設

寶案於

座前。是日遣官祇告

太廟

社稷。

大駕鹵簿全設。

世祖章皇帝御祭服由

大清門出。

親詣

南郊祇告

天

地行禮畢。內院大學士跪奏禮成。禮部堂官恭導至
天壇之東

御幄次更禮服

御寶座。王以下文武百官皆跪。禮部堂官引大學士一
人由東階升。正中北面跪。學士一人自案上奉
寶授大學士。大學士恭受致辭云。

皇帝君臨萬國。諸王文武羣臣不勝歡忭。奏畢。以

寶授學士。學士跪接陳案上。退復位。羣臣行三跪九

叩禮畢。

駕還宮。是日鴻臚寺設

御座於皇極門

今名太和門

正中。設表案於檐東。諸王貝勒

貝子公序立於內金水橋之北。文武各官序立於橋南。均東西面樂作。

世祖章皇帝御寶座。樂止。鳴鞭。內大臣侍衛內院禮部都察院鴻臚寺執事各官。先於階上行三跪九叩禮畢。各就執事位。王公文武百官跪進表。內院大學士奉王等所進表跪設案上。鳴贊官贊宣表。宣表官詣案前奉表。大學士二人跪展表。

宣表官跪宣畢。仍設案上。行三叩禮。復位。羣臣
行三跪九叩禮畢。鳴鞭。

駕還宮。越九日甲子。頒

詔天下。

詔曰。我國家受

天眷佑。肇造東土。

列祖創興鴻業。

皇考式廓前猷。遂舉舊邦。誕膺新命。迨朕嗣服。雖在冲
齡。締念紹庭。永綏厥位。頃緣賊氛。洊熾。極禍中原。是
用倚任親賢。救民塗炭。方馳金鼓。旋奏澄清。既解倒

懸。非富天下。而王公列辟。文武羣臣。暨軍民耆老。合詞勸進。懇切再三。乃於今年十月初一日。祇告。

天

地

宗廟

社稷。即皇帝位。仍建有天下之號曰大清。定鼎燕京。紀元順治。緬維峻命不易。創業尤艱。况當改革之初。更屬變通之會。是用準令酌古。揆天時人事之宜。庶幾吏習民安。彰

祖功

宗德之大於戲。天作君師。惟鑒臨於有德。民歌父母。斯
悅豫於無疆。既已俞旨。布恩鴻敷。大賚將使。投誠歸
命。無阻幽深。惟爾萬方。與朕一德。布告遐邇。咸使聞
知。○十八年正月己未。

聖祖仁皇帝嗣

皇帝位。分遣官祇告

天

地

太廟

社稷。

聖祖仁皇帝衰服詣

世祖章皇帝几筵前行三跪九拜禮祇告受命詣側殿更禮服乃詣

聖祖母太皇太后宮行三跪九拜禮次詣

聖母仁憲皇太后宮

聖母慈和皇太后宮各行三跪九拜禮先

御中和殿內大臣侍衛內院禮部都察院執事各官行禮乃

御太和殿即

皇帝位王公百官上表行禮不宣表不作樂

賜茶不設燕。

駕還宮。反喪服。就苦次。是日頒

詔天下。

詔曰。惟我國家受

天眷命。

祖功

宗德。肇造丕基。我

皇考大行皇帝。盛德至仁。英資大度。續承歷數。統一寰
區。恩澤洽於多方。政教臻於上理。方期邦國永底雍
熙。不幸奄棄臣民。遽升

龍馭顧以大寶屬於藐躬。朕兢兢在疚。本不忍聞而諸
王貝勒大臣文武官員人等。僉謂神器既已攸歸。天
位不宜久曠。堅請再三。朕是以俯徇輿志。勉抑哀衷。
於是月初九日。祇告。

天

地

宗廟

社稷即皇帝位。仰惟

上天眷佑之篤。

祖宗付託之隆。涼德冲齡。膺茲重寄。敬圖覲光揚烈用。

紹無疆之休。其以明年為康熙元年。與天下更始。式
衍舊恩。率宏新化。於戲。孝思維則。永深繼述之懷。忠
悃載摠。實賴勗之佐。凡爾親賢文武。其尚輔翼。非
躬共矢嘉謨。以成至治。布告天下。咸使聞知。○康熙
六十一年十一月辛丑。

世宗憲皇帝嗣

皇帝位。禮儀與順治十八年同。惟免賜茶。○是日內監
下

乾清宮簾。鑿儀衛於

乾清宮丹陛中。設金輿。奏請

世宗憲皇帝乘輿由

乾清門中門出奉

旨。乾清宮雖下簾。朕何忍於

皇考前乘輿出中門。朕從乾清門左中門出外乘輿心

中始安。○是日頌

詔天下。

詔曰。惟我國家受

天綏佑。

太祖

太宗肇造區夏。

世祖章皇帝統一疆隅。我

皇考大行皇帝臨御六十一年。德茂功高。文經武緯。海
宇寧謐。歷數悠長。不謂謝棄。臣民遽升

龍馭。親授神器。屬於藐躬。朕

皇考大行皇帝

德妃之子。昔皇二子弱齡建立。深為

聖慈鍾愛。寢處時依。恩勤倍篤。不幸中年神志昏憤。病
類風狂。

皇考念宗社重任。付託維艱。不得已再行廢斥。待至十
有餘年。沈疾如故。痊可無期。是以

皇考升遐之日。詔朕繼承大統。朕之昆弟子姪甚多。惟
思一體相關。敦睦罔替。共享升平之福。永圖磐石之
安。孔子曰。三年無改於父之道。我

皇考臨御以來。良法美政。萬世昭垂。朕當永遵成憲。不
敢少有更張。何止三年無改。至於

皇考知人善任。至明至當。內外諸大臣。朕方亟資翊贊。
以期始終保全。務宜竭盡公忠。恪守廉節。俾朕得以
加恩故舊。克成孝思。儻或不守官箴。自干國紀。既負
皇考簡拔委用之恩。又負朕篤愛大臣之誼。部院屬吏
直省有司。亦宜實心任事。潔己奉公。不得推諉上官。

自曠厥職。天下百姓受

皇考恩澤日久。獨賑頻施。勸懲備至。間有愚氓干犯律令。

皇考每遇讞決。必加詳審。爰書累牘。披閱靡遺。少有可生之路。立施法外之仁。凡我百姓。各宜孝親敬長。畏罪懷刑。以副朕仰法。

皇考如天好生之意。茲因諸王貝勒大臣文武官員人等。僉謂天位不可久虛。

宗社永宜。蓋主再三陳請。朕勉徇輿情。暫抑悲痛。於是月二十日。祇告。

天

地

宗廟

社稷。即皇帝位。以明年為雍正元年。仰惟

先志之宜承。深望皇圖之永固。遙昭新化。期行舊恩。於

戲。追慕

前徽。繼述無忘於夙夜。廣推

聖澤。恩膏願被於寰區。凡爾親賢文武。其共矢蓋誠。各

輸心膂。用紹無疆之業。永垂有道之庥。布告天下。咸

使聞知。○雍正十三年九月己亥。

高宗純皇帝嗣

皇帝位。停止宣表免賜茶。

命奉輿於

乾清門左旁。是日頒

詔天下。

詔曰。惟我國家受

天眷命。

太祖

太宗創垂基緒。

世祖統一萬邦。

皇祖聖祖仁皇帝享祚久長。重熙累洽。我

皇考大行皇帝。續承大統。御宇十有三年。夙夜憂勞。勤求至治。用康乂我億兆。臣民盛德豐功。炳耀寰宇。恩膏洋溢。漸被八紘。薄海時雍。中外蒙福。方期永綏。隆祚。仰荷鴻禧。何意奄棄。臣黎遽升

龍馭。以

宗廟

社稷之重。屬於藐躬。朕自沖齡。即蒙皇祖撫育。宮中深恩。鍾愛。瞻昧逾常。

皇考顧復恩勤。

聖慈篤摯。瞻依朝夕。祇受

誨言。曷迪有加。

宸衷默眷。朕自惟涼德。懼弗克勝。顧念神器不可久虛。
勉抑哀衷。欽遵

成命。於九月初三日祭告

天

地

宗廟

社稷。即皇帝位。以明年為乾隆元年。仰惟

上天篤祐之隆。

皇考貽謀之重。撫躬乾惕。祇紹

前徽。丕布新恩。聿昭錫類。於戲。觀光揚烈。深思負荷之
維艱。建極綏猷。時勵精勤於罔懈。諸王文武大小臣
工。其共殫公忠。協心襄贊。懋圖上理。祇迓洪庥。以光
大我國家無疆之祚。布告天下。咸使聞知。嘉慶元
年正月戊申朔。

高宗純皇帝御太和殿傳位於

仁宗睿皇帝。

仁宗睿皇帝嗣位。是日欽奉

高宗純皇帝傳位詔書。頒行天下。

詔曰。朕纘紹丕基。撫綏函夏。勤求治理。日有孜孜。仰賴上天眷佑。

列聖貽謀。寰宇乂安。蒸黎康阜。聲教四訖。中外一家。御極以來。平定伊犁。回部大小金川。擴土開疆。數萬餘里。緬甸安南。廓爾喀。以及外藩屬國。咸震懾威。兢兢修職貢。其自作不靖者。悉就殄除。功邁十全。恩覃六合。普免各省漕糧者三。地丁錢糧者四。展義巡方。行慶施惠。蠲逋賑貸。不下數千萬億。振興士類。整飭官常。嘉興萬邦。黎獻海隅。蒼生同我太平。躋之仁壽。朕持盈保泰。弗懈益虔。勤念雨暘。周諮稼穡。於庶言庶。

獄庶慎靡不躬親宥密單心時幾交敕用疊上副

祖

宗付畀之重下撫億兆仰戴之誠日慎一日六十年於茲矣迴憶踐阼初元曾默籲

上蒼若紀年周甲當傳位嗣子不敢仰希

皇祖以次增載今敬迓

洪釐幸符初願朕康彊逢吉九旬望表五代同堂積慶延祺光於往牒非

昊慈篤祐申命用庥曷克臻此

天生民而立之君使為司牧授受之際敢不兢兢溯自

癸巳

南郊。即以嗣位皇子之名。默奏

上帝。並於盛京恭謁

祖陵。敬告

列祖在天之鑒。昨冬頒朔屆期。特宣布詔旨。明定儲位。以丙辰為嘉慶元年。豫敕所司。敬議歸政典禮。皇太子秉性謙沖。臚誠固讓。率同內外王公大臣等。具章請朕至百歲。始行斯典。但

天聽維聰。朕志先定。再四申諭。毋得懇辭。皇太子仁孝端醇。克肩重器。宗祏有託。朕用嘉焉。已諏吉祇告。

天

地

宗廟

杜稷。皇太子於丙辰正月上日即皇帝位。朕親御太和殿躬授寶璽。可稱朕為太上皇帝。其尊號繁文。朕所弗取。毋庸奏上。凡軍國重務。用人行政大端。朕未至倦勤。不敢自逸。部院衙門及各省題奏事件。悉遵前旨行。履端首祚。禪授上儀。宜沛新綸。同敷愷澤。於戲。常厥德。保厥位。深維

創業垂統之心。本諸身。徵諸民。聿昭繼體守文之治。欽

此予小子祇承

慈命。勉荷鴻圖。謹奉宣

敕旨。布告天下。咸使聞知。○二十五年八月庚戌。

宣宗成皇帝嗣

皇帝位。禮儀與雍正十三年同。○是日頒

詔天下。

詔曰。我大清篤承

天眷。粵自

太祖

太宗肇造洪基。

世祖統一區夏。

聖祖

世宗

高宗德盛化神。重熙累洽。我

皇考大行皇帝。臨御天下二十五年。兢兢業業。宵旰不
遑。以勤求上。理政休明。朝廷祇肅。仁心仁政。洽於
寰區。用是中外乂安。萬民蒙福。方期景祚延洪。永膺
多祜。詎意

臨幸灤陽。遽升

龍馭。

聖志先定於

親政之歲。即以神器默屬藐躬。朕自惟薄德。深懼弗勝。

顧念

列聖貽謀。

皇考付託。天位不可久虛。勉抑哀忱。欽遵

成命。於八月二十七日。祇告

天

地

宗廟

社稷。即皇帝位。以明年為道光元年。仰紹

前徽撫衷寅惕際新綸之昭布宜錫類以推恩於戲膺
茲繼體用康乂我兆民弼予仔肩式敬承夫丕緒諸
王文武大小臣工其各抒忠悃翊贊鴻猷以光我國
家億萬年無疆之祚布告天下咸使聞知○道光三
十年正月己未

文宗顯皇帝嗣

皇帝位前一日遣官至

孝和睿皇后几筵前祭告屆日

上縞素詣

梓宮前行禮更禮服詣

皇貴太妃前行禮。餘儀與嘉慶二十五年同。○是日頒
詔天下。

詔曰。我大清篤承

天眷。粵自

太祖

太宗肇建丕基。

世祖統一函夏。

聖祖

世宗

高宗

仁宗德威化神。重熙累洽。我

皇考大行皇帝。臨御天下三十年。宵衣旰食。郵治勤求。熙績釐工。朝廷祇肅。

深恩厚澤。洽於寰區。用是中外乂安。羣黎蒙福。方期景錄。延洪永膺多祜。詎意正月十四日。

諭立朕為皇太子。甫經半日。

龍馭遽升。即以神器屬於藐躬。朕自維薄德。深懼弗勝。

顧念

列聖貽謀。

皇考付託。天位不可久虛。勉抑哀忱。恪遵

成命於正月二十六日。祇告。

天

地

宗廟

社稷。即皇帝位。以明年為咸豐元年。仰紹

前徽。撫衷寅惕。際茲新綸之布。用推錫類之恩。於咸膺
茲繼體。用惠錫於垓垓。弼子仔肩。式撫綏夫兆庶。諸
王文武大小臣工。其各抒忠悃。翊贊鴻猷。以昭我國
家億萬年無疆之祚。布告天下。咸使聞知。○咸豐十

一年十月甲子。

穆宗毅皇帝嗣

皇帝位前一日遣官至

孝德皇后几筵前祭告。屆日。

穆宗毅皇帝編素詣

梓宮前行禮。更禮服詣

母后皇太后

聖母皇太后前行禮。餘儀與道光三十年同。○是日頒

詔天下。

詔曰。我大清仰承

上天眷佑。粵自

太祖

太宗肇建鴻業。

世祖統一寰區。

聖祖

世宗

高宗

仁宗

宣宗重熙累洽。中外乂安。我

皇考文宗顯皇帝。臨御十有一年。宵旰憂勤。日臻上理。

威德豐功。昭垂萬世。深恩厚澤。漸被八紘。方期撫綏。

寰海多福永膺詎意

臨幸灤陽舊疾復作元氣日虧竟至彌留不起七月十六日子刻。

諭立朕為皇太子十七日寅刻。

龍馭遽升以神器屬於藐躬朕自維沖齡薄德懼不克勝顧念

列聖貽謀之要。

皇考付託之隆勉抑哀忱膺茲重寄恪遵

成命於十月初九日祇告

天

地

宗廟

社稷即皇帝位。以明年為祺祥元年。仰紹

前猷。彌增寅惕。際新綸之丕布。行景運於無疆。於戲。觀
光揚烈。敢稍寬繼述之心。錫類推恩。期共慰隆平之
望。諸王文武大小臣工。其各矢忠誠。贊襄郅治。以垂
我國家億萬年有道之祿。布告天下。咸使聞知。○又
諭大學士周祖培奏。建元年號可否更定一摺。奉

母后皇太后

聖母皇太后懿旨。建元大典。昭垂萬世。前經載垣等擬

進祺祥字樣。意義重複。本有未協。茲據周祖培奏請更正。實屬關心典禮。周詳慎重。深愜

慈懷。爰命議政王軍機大臣恭擬同治二字進呈。仰蒙
母后皇太后

聖母皇太后允行。本月初九日。朕御極。頒詔。其以明年為同治元年。布告天下。○光緒元年正月戊午。

上嗣

皇帝位。禮儀與咸豐十一年同。○是日頒

詔天下。

詔曰。我大清篤承

天佑。繼繼繩繩。仰維

太祖

太宗。洪建丕基。

世祖。統一區夏。

聖祖

世宗

高宗

仁宗

宣宗

文宗。一德相承。萬邦攸賴。我

大行皇帝臨御天下十有三年。惕勵憂勤。孜孜求治。上
秉

兩宮

皇太后慈訓。簡任親賢。削平巨憝。羣黎蒙福。中外乂安。
方期景祚延洪。永膺多祜。詎意

聖躬弗豫。於同治十三年十二月初五日

龍馭遽升。欽奉

遺詔。祇遵

兩宮

皇太后懿旨。以朕承繼

文宗顯皇帝為子。入承大統。神器至重。屬在藐躬。朕自維沖齡薄德。懼弗克勝。顧念

列聖詒謀之善。

大行皇帝付託之隆。勉抑哀忱。恪遵

成命。於正月二十日。祇告

天

地

宗廟

社稷。即皇帝位。以本年為光緒元年。仰紹

前徽。冀臻上理。際新綸之丕煥。敷郵治於咸熙。於戲膺

圖受錄。難寬兢業之心。揚烈覲光。用懋顯庸之績。諸王文武大小臣工。其夫爾公忠。用弼予沖人。以固我國家億萬年無疆之祚。布告天下。咸使聞知。

○欽奉

慈安端裕康慶皇太后

慈禧端佑康頤皇太后懿旨。皇帝登殿後。詣嘉順皇后前行禮。